



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



শেখ কামাল জাতীয় ক্রীড়া পরিষদ পুরস্কার নীতিমালা-২০২১



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

website: www.nsc.gov.bd, e-mail: info@sc.gov.bd

[পাতা-১/৮]



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



নং-এনএসসি/১৪৩/৫/শে.কা.মা.জাক্রীপ.পুরস্কার/জেন/

তারিখ : ২০ জুন ২০২১

শেখ কামাল জাতীয় ক্রীড়া পরিষদ পুরস্কার নীতিমালা-২০২১

- ১. শিরোনাম :** এ নীতিমালা 'শেখ কামাল জাতীয় ক্রীড়া পরিষদ পুরস্কার নীতিমালা-২০২১' নামে অভিহিত হবে।
- ২. পুরস্কারের নাম :** শেখ কামাল জাতীয় ক্রীড়া পরিষদ পুরস্কার (SHEIKH KAMAL NATIONAL SPORTS COUNCIL AWARD)
- ৩. পটভূমি :** স্বাধীনতার মহান স্থপতি, সর্বকালের সর্বশ্রেষ্ঠ বাঙালি, জাতির পিতা বঙ্গবন্ধু শেখ মুজিবুর রহমানের জ্যেষ্ঠ পুত্র শহীদ ক্যাপ্টেন শেখ কামাল (০৫ আগস্ট ১৯৪৯ - ১৫ আগস্ট ১৯৭৫), যিনি স্বাধীনতা-উত্তর বাংলাদেশে প্রচলিত সনাতনী ক্রীড়া-উন্নয়ন ধারণা থেকে বেরিয়ে এসে বাংলাদেশে আধুনিক ও আন্তর্জাতিকমানের ক্রীড়া প্রবর্তনে প্রয়াসী হয়েছিলেন। অসামান্য সাংগঠনিক দক্ষতায় তিনি প্রতিষ্ঠা করেছিলেন আবাহনী ক্রীড়া চক্র। ব্যক্তিগত প্রজ্ঞা ও নিজস্ব ক্রীড়া ভাবনায় তিনি ছিলেন এদেশের আধুনিক ফুটবলের পথিকৃৎ। ক্রীড়ানুরাগী, সংস্কৃতিমনা, তারুণ্যদীপ্ত বীর মুক্তিযোদ্ধা শেখ কামাল মহান মুক্তিযুদ্ধে সম্মুখ সমরে অংশগ্রহণ করেছেন। জাতির এ কীর্তিমান তরুণ শহীদ ক্যাপ্টেন শেখ কামালের অবদানকে স্মরণীয় করার লক্ষ্যে এবং তাঁর প্রতি গভীর শ্রদ্ধার নিদর্শনস্বরূপ ক্রীড়ার বিভিন্ন ক্ষেত্রে জাতীয় ক্রীড়া পরিষদ কর্তৃক 'শেখ কামাল জাতীয় ক্রীড়া পরিষদ পুরস্কার' প্রদানের সিদ্ধান্ত গ্রহণ এবং এতদুদ্দেশ্যে এ নীতিমালা প্রণয়ন করা হয়েছে।
- ৪. সংজ্ঞা :** বিষয় কিংবা প্রসঙ্গের পরিপন্থী কিছু না থাকলে এ নীতিমালায় -
 - (ক) আজীবন সম্মাননা :** 'আজীবন সম্মাননা' বোঝাতে কোন খেলোয়াড় কিংবা কোন সংগঠকের জীবনব্যাপী ক্রীড়াবিষয়ক দীর্ঘমেয়াদি কার্যক্রম ও সাফল্যের স্বীকৃতি;
 - (খ) খেলোয়াড়/ক্রীড়াবিদ :** 'খেলোয়াড়/ক্রীড়াবিদ' বোঝাতে বাংলাদেশের কোন নাগরিক, যিনি 'জাতীয় ক্রীড়া পরিষদ আইন ২০১৮'-এর তফসিলভুক্ত কোন খেলায় জাতীয় কিংবা আন্তর্জাতিক কোন টুর্নামেন্টে একক, দলীয় বা রাষ্ট্রীয়ভাবে অংশগ্রহণ করেছেন বা করছেন এমন ব্যক্তি;
 - (গ) ক্রীড়া সংগঠক :** 'ক্রীড়া সংগঠক' বোঝাতে বাংলাদেশের কোন নাগরিক, যিনি 'জাতীয় ক্রীড়া পরিষদ আইন-২০১৮' এর তফসিলভুক্ত কোন খেলায় জাতীয় কিংবা আন্তর্জাতিক টুর্নামেন্টের ব্যবস্থাপনা ও সাংগঠনিক কার্যক্রমে সংযুক্ত আছেন বা ছিলেন এমন ব্যক্তি;
 - (ঘ) উদীয়মান খেলোয়াড়/ক্রীড়াবিদ :** 'উদীয়মান খেলোয়াড়/ক্রীড়াবিদ' বোঝাতে যে যুব 'জাতীয় ক্রীড়া পরিষদ আইন ২০১৮' এর তফসিলভুক্ত কোন খেলায় একক কিংবা দলীয়ভাবে জাতীয় কিংবা আন্তর্জাতিক টুর্নামেন্টে অংশগ্রহণ করে প্রতিভা ও নৈপুণ্যের স্বাক্ষর রেখেছেন এমন খেলোয়াড়;



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



[পাতা-২/৮]

- (ঙ) **ক্রীড়া সাংবাদিক** : ‘ক্রীড়া সাংবাদিক’ বোঝাতে কোন প্রিন্ট বা ইলেকট্রনিক গণমাধ্যমে অতীতে ক্রীড়া সাংবাদিকতা বা স্বনির্ভর (freelance) সাংবাদিকতা পেশায় নিয়োজিত ছিলেন বা বর্তমানে আছেন এমন ব্যক্তি;
- (চ) **ক্রীড়া অ্যাসোসিয়েশন/ফেডারেশন/ক্রীড়া সংস্থা** : ‘অ্যাসোসিয়েশন/ফেডারেশন’ বোঝাতে ‘জাতীয় ক্রীড়া পরিষদ আইন ২০১৮’ এর তফসিলভুক্ত ক্রীড়া অ্যাসোসিয়েশন/ফেডারেশন এবং ‘ক্রীড়া সংস্থা’ বোঝাতে সরকার কর্তৃক গঠিত বিভাগীয়, জেলা ও উপজেলা ক্রীড়া সংস্থাকে বোঝাবে; সকল পর্যায়ের মহিলা ক্রীড়া সংস্থাসমূহও এর অন্তর্ভুক্ত হবে;
- (ছ) **ক্রীড়া পৃষ্ঠপোষক/স্পন্সর** : ক্রীড়া পৃষ্ঠপোষক/স্পন্সর বোঝাতে যে সমস্ত প্রতিষ্ঠান ক্রীড়ার সম্প্রসারণ ও উন্নয়নে আর্থিক সহায়তা করে থাকে এমন প্রতিষ্ঠানকে বোঝাবে;
- (জ). **কমিটি** : ‘কমিটি’ বোঝাতে এ নীতিমালায় বর্ণিত কমিটিসমূহ;

৫. পুরস্কার প্রদানের ক্ষেত্র ও সংখ্যা:

- ৫.১ আজীবন সম্মাননা : ০১ (এক) জন
৫.২ খেলোয়াড়/ক্রীড়াবিদ : ০৩ (তিন)জন
৫.৩ ক্রীড়া সংগঠক : ০২ (দুই) জন
৫.৪ উদীয়মান খেলোয়াড়/ক্রীড়াবিদ : ০২ (দুই)জন
৫.৫ ক্রীড়া অ্যাসোসিয়েশন/ফেডারেশন/ক্রীড়া সংস্থা : ০১ (এক)টি
৫.৬ ক্রীড়া সাংবাদিক : ০১ (এক)জন
৫.৭ ক্রীড়া পৃষ্ঠপোষক/স্পন্সর : ০১ (এক) (জন/টি)

৬. **পুরস্কার মূল্যমান** : পুরস্কারের জন্য চূড়ান্তভাবে বাছাইকৃত প্রত্যেক ব্যক্তি/ প্রতিষ্ঠান ৭৫,০০০/- (পঁচাত্তর হাজার) টাকার চেক প্রাপ্য হবেন। এছাড়াও, পুরস্কার-প্রাপক প্রত্যেক ব্যক্তি/ প্রতিষ্ঠানকে জাতীয় ক্রীড়া পরিষদ কর্তৃক অনুমোদিত (সচিব, জাতীয় ক্রীড়া পরিষদ, সচিব, যুব ও ক্রীড়া মন্ত্রণালয় এবং মাননীয় যুব ও ক্রীড়া মন্ত্রী/প্রতিমন্ত্রী কর্তৃক স্বাক্ষরিত) সম্মাননা -সনদপত্র ও ক্রেস্ট প্রদান করা হবে।

৭. পুরস্কার প্রাপ্তির যোগ্যতা :

- ৭.১ **আজীবন সম্মাননা** : খেলোয়াড়/ক্রীড়াবিদ হিসেবে জীবনব্যাপী ক্রীড়া বিষয়ক কার্যক্রম ও সাফল্য, স্বীকৃতি/সনদ/অর্জনের প্রামাণ্য তথ্যাদি দাখিলযোগ্য হবে;

[পাতা-৩/৮]



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



৭.২ খেলোয়াড়/ক্রীড়াবিদ

- ৭.২.১ জাতীয় টুর্নামেন্ট/প্রতিযোগিতায় অর্জন (একক/দলগত);
- ৭.২.২ আন্তর্জাতিক টুর্নামেন্ট/প্রতিযোগিতায় অর্জন (একক/দলগত);
- ৭.২.৩ দেশে/বিদেশের কোন স্বীকৃতি;
- ৭.২.৪ ক্রীড়া শিক্ষা সংক্রান্ত কোন সনদ;
- ৭.২.৫ জনকল্যাণমূলক কোন কার্যক্রম;
- ৭.২.৬ অন্যান্য (যদি কিছু থাকে);

৭.৩ ক্রীড়া সংগঠক

- ৭.৩.১ জাতীয় টুর্নামেন্ট/প্রতিযোগিতা আয়োজনের সাংগঠনিক সম্পৃক্ততা ও দক্ষতা;
- ৭.৩.২ আন্তর্জাতিক টুর্নামেন্ট/প্রতিযোগিতা আয়োজনের সাংগঠনিক সম্পৃক্ততা ও দক্ষতা;
- ৭.৩.৩ ক্রীড়া সংগঠক হিসেবে কোন ক্লাব, অ্যাসোসিয়েশন, ফেডারেশন বা ক্রীড়া সংস্থায় নিয়োজিত;
- ৭.৩.৪ কোন ক্লাব, অ্যাসোসিয়েশন, ফেডারেশন বা ক্রীড়া সংস্থার পরিচালনা পর্ষদ কিংবা কার্যনির্বাহী কমিটিতে অন্তর্ভুক্তি;
- ৭.৩.৫ জাতীয়/আন্তর্জাতিক কোন স্বীকৃতি;
- ৭.৩.৬ ক্রীড়া সংগঠক হিসেবে দেশে-বিদেশে বাংলাদেশের প্রতিনিধিত্ব করা;
- ৭.৩.৭ ক্রীড়া-হিতৈষী কোন কার্যক্রমে অংশগ্রহণ ইত্যাদি;

৭.৪ উদীয়মান খেলোয়াড়/ক্রীড়াবিদ :

- ৭.৪.১ বয়স ও অভিজ্ঞতা বিবেচনায় জাতীয় ও আন্তর্জাতিক কোন টুর্নামেন্টে অংশগ্রহণ করে অভাবিত সাফল্য অর্জন এবং ভবিষ্যতে প্রতিভা ও নৈপুণ্যের ইংগিতবাহী নির্দেশক কার্যক্রম;

৭.৫ ক্রীড়া অ্যাসোসিয়েশন/ফেডারেশন/ক্রীড়া সংস্থা :

- ৭.৫.১ জাতীয় ক্রীড়া পরিষদের অধিভুক্তি;
- ৭.৫.২ জাতীয় ও আন্তর্জাতিক প্রতিযোগিতায় অংশগ্রহণ, আয়োজনের সংখ্যা ও সাফল্য;
- ৭.৫.৩ প্রশিক্ষণ;
- ৭.৫.৪ বার্ষিক ক্রীড়াপঞ্জি প্রণয়ন;
- ৭.৫.৫ প্রতিভা অন্বেষণ কর্মসূচি আয়োজন;
- ৭.৫.৬ বার্ষিক কর্ম-পরিকল্পনা তৈরি;
- ৭.৫.৭ কার্যনির্বাহী কমিটির নিয়মিত নির্বাচন অনুষ্ঠান;
- ৭.৫.৮ বার্ষিক আয়-ব্যয়ের হিসাব ও নিরীক্ষা প্রতিবেদন তৈরি;
- ৭.৫.৯ স্বচ্ছতা ও জবাবদিহিতা;
- ৭.৫.১০ অভ্যন্তরীণ সুশাসন ও ব্যবস্থাপনা ;



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



৭.৫.১১ দাফতরিক কাজে তথ্য-প্রযুক্তির ব্যবহার ইত্যাদি।

৭.৬ ক্রীড়া সাংবাদিক :

৭.৬.১ 'ক্রীড়া সাংবাদিক' ক্রীড়াক্ষেত্রে ইতিবাচক অবদান রেখেছেন এমন 'ক্রীড়া সাংবাদিক' যিনি কোন প্রিন্ট কিংবা ইলেকট্রনিক গণমাধ্যমে অতীতে ক্রীড়া সাংবাদিকতা পেশায় নিয়োজিত ছিলেন বা বর্তমানে ক্রীড়া সাংবাদিকতা করছেন।

৭.৭ ক্রীড়া পৃষ্ঠপোষক/স্পন্সর :

৭.৭.১ ক্রীড়া পৃষ্ঠপোষক/স্পন্সর হিসেবে ক্রীড়ার সম্প্রসারণ ও উন্নয়নে উল্লেখযোগ্য আর্থিক ও অন্যান্য সহায়তা প্রদান করে থাকে এমন প্রতিষ্ঠান;

৮. পুরস্কার প্রাপ্তির অযোগ্যতা :

৮.১ রাষ্ট্রবিরোধী কার্যকলাপ/ফৌজদারি আইনে শাস্তিপ্রাপ্ত বা অভিযুক্ত বা ফৌজদারি অপরাধে দণ্ডিত বা দেউলিয়া কোন ব্যক্তি;

৮.২ উপযুক্ত চিকিৎসক/কর্তৃপক্ষ কর্তৃক অপ্রকৃতস্থ ঘোষণা;

৮.৩ কোন খেলোয়াড়, সংগঠক বা পৃষ্ঠপোষক এর অনৈতিক বা শৃঙ্খলাজনিত কারণে কোন ফেডারেশন/অ্যাসোসিয়েশন/সংস্থা কর্তৃক প্রদত্ত শাস্তি বহাল থাকা;

৮.৪ কোন খেলোয়াড়, সংগঠক বা পৃষ্ঠপোষক জাতীয় ক্রীড়া পরিষদ/যুব ও ক্রীড়া মন্ত্রণালয়ের অনুমতি নিয়ে বিদেশে গিয়ে দেশে ফেরত না আসা বা পরে এসেছে এমন প্রমাণিত হওয়া অথবা শৃঙ্খলা ভঙ্গ করা এবং তা প্রমাণিত হওয়া;

৮.৫ ডোপ টেস্টে পজিটিভ;

৮.৬ কোন রাষ্ট্র বা সরকার কর্তৃক অবাঞ্ছিত ঘোষিত;

৮.৭ স্বাধীনতা ও মুক্তিযুদ্ধের চেতনাবিরোধী কোন ব্যক্তি/প্রতিষ্ঠান;

৮.৮ একবার পদক প্রাপ্ত ব্যক্তি;

এ পুরস্কার প্রাপ্তির জন্য বিবেচিত হবেন না;

৯. আবেদনের নিয়মাবলী ও বাছাই পদ্ধতি :

৯.১ জাতীয় ক্রীড়া পরিষদ কর্তৃক প্রণীত ও অনুমোদিত নির্ধারিত ফরমে আবেদন করা যাবে। আবেদনপত্রের নমুনা জাতীয় ক্রীড়া পরিষদের নিজস্ব ওয়েবসাইটে www.nsc.gov.bd এবং হার্ড কপি আকারে পাওয়া যাবে। ফরমের ফটোকপিও প্রযোজ্য হবে। এছাড়া, অনলাইনের মাধ্যমে আবেদন করা যাবে।

[পাতা-৫/৮]



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



- ৯.২ প্রামাণ্য কাগজপত্র/তথ্যাদির কপি সংযুক্ত করতে হবে। প্রয়োজনে আলাদা কাগজ ব্যবহার করা যাবে;
- ৯.৩ প্রতি বছর ০৫ আগস্ট শহীদ ক্যাপ্টেন শেখ কামালের জন্মদিন অথবা সুবিধাজনক সময়ে এ পুরস্কার প্রদান করা হবে। পুরস্কার প্রদানের ক্ষেত্রে পূর্ববর্তী বছর/বছরসমূহের কার্যক্রম বিবেচনায় আনা হবে।
- ৯.৪ কোন ক্ষেত্রে উপযুক্ত প্রার্থী/প্রতিষ্ঠান পাওয়া না গেলে সংশ্লিষ্ট বছরে পুরস্কার প্রদান বিবেচনা করা হবে না।

১০. পুরস্কার প্রদান কার্যক্রমের ব্যয় :

- ১০.১ পুরস্কার প্রদান কার্যক্রমের জন্য জাতীয় ক্রীড়া পরিষদের বাজেটে বরাদ্দ নির্ধারিত থাকবে। এ বরাদ্দ নিশ্চিত করতে যুব ও ক্রীড়া মন্ত্রণালয় এবং অর্থ বিভাগ প্রয়োজনীয় অনুমোদন প্রদান করবে।

১১. শেখ কামাল জাতীয় ক্রীড়া পরিষদ পুরস্কার প্রদানের আবেদনপত্র যাচাই-বাছাই ওয়ার্কিং কমিটি

১. সচিব, জাতীয় ক্রীড়া পরিষদ - সভাপতি
২. উপ-সচিব (ক্রীড়া), যুব ও ক্রীড়া মন্ত্রণালয় - সদস্য
৩. বাংলাদেশ অলিম্পিক অ্যাসোসিয়েশনের ০১ (এক) জন প্রতিনিধি - সদস্য
৪. জাতীয় ক্রীড়া পরিষদের মাননীয় চেয়ারম্যান কর্তৃক মনোনীত ০৪ (চার) জন ক্রীড়া ব্যক্তিত্ব (ন্যূনতম ০১ (এক) জন নারী হবেন) - সদস্য
৫. বিকেএসপি'র ০১ (এক) জন প্রতিনিধি - সদস্য
৬. ক্রীড়া পরিদপ্তরের ০১ (এক) জন প্রতিনিধি - সদস্য
৭. পরিচালক (ক্রীড়া), জাতীয় ক্রীড়া পরিষদ - সদস্য- সচিব

১১.১ কমিটির কাযপরিষি :

- ১১.১.১ প্রাপ্ত আবেদনপত্রসমূহ যাচাই-বাছাইপূর্বক পূর্ণাঙ্গ খসড়া তালিকা প্রস্তুতকরণ;
- ১১.১.২ জাতীয় ক্রীড়া পরিষদের মাননীয় চেয়ারম্যানের অনুমোদনক্রমে অগ্রায়ণপত্রের মাধ্যমে পুরস্কার প্রদান সংক্রান্ত চূড়ান্ত প্রার্থী বাছাই কমিটির নিকট প্রেরণ;

১২. শেখ কামাল জাতীয় ক্রীড়া পরিষদ পুরস্কার প্রদানের চূড়ান্ত প্রার্থী বাছাই কমিটি :

১. মাননীয় মন্ত্রী/প্রতিমন্ত্রী, যুব ও ক্রীড়া মন্ত্রণালয় - সভাপতি
২. সিনিয়র সচিব/সচিব, যুব ও ক্রীড়া মন্ত্রণালয় - সদস্য
৩. অতিরিক্ত সচিব (ক্রীড়া), যুব ও ক্রীড়া মন্ত্রণালয় - সদস্য
৪. মহাপরিচালক, বাংলাদেশ ক্রীড়া শিক্ষা প্রতিষ্ঠান - সদস্য



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



৫.	মহাসচিব, বাংলাদেশ অলিম্পিক অ্যাসোসিয়েশন	-	সদস্য
৬.	পরিচালক, ক্রীড়া পরিদপ্তর	-	সদস্য
৭.	সভানেত্রী, বাংলাদেশ মহিলা ক্রীড়া সংস্থা	-	সদস্য
৮.	সরকার কর্তৃক মনোনীত ০২ (দুই) জন ক্রীড়া সংগঠক/ক্রীড়া ব্যক্তিত্ব	-	সদস্য
৯.	জাতীয় ক্রীড়া পরিষদ কর্তৃক মনোনীত ০২ (দুই) জন ক্রীড়া সংগঠক/ক্রীড়া ব্যক্তিত্ব	-	সদস্য
১০.	সচিব, জাতীয় ক্রীড়া পরিষদ	-	সদস্য-সচিব

১২.১ কমিটির কাযপরিধি ও তালিকা চূড়ান্তকরণ :

- ১২.১.১ আবেদনপত্র যাচাই-বাছাই ওয়ার্কিং কমিটি হতে প্রাপ্ত আবেদনপত্রসমূহের ওপর বিস্তারিত আলোচনাক্রমে সর্বসম্মত সিদ্ধান্ত অনুযায়ী পুরস্কার-প্রাপক নির্বাচন করবেন;
- ১২.১.২ পুরস্কারের জন্য নির্বাচিত ব্যক্তি/প্রতিষ্ঠানের নাম চূড়ান্তকরণের পর জাতীয় ক্রীড়া পরিষদ এতদসংক্রান্ত প্রজ্ঞাপন জারি করবে এবং নির্বাচিত ব্যক্তি/প্রতিষ্ঠানকে অবহিত করতে হবে;
- ১২.১.৩ পুরস্কারের জন্য নির্বাচিত কোন ব্যক্তি/প্রতিষ্ঠান পুরস্কার গ্রহণে অপারগতা প্রকাশ করলে পুরস্কারপ্রাপ্ত হিসেবে নাম ঘোষণা হবে না;
- ১২.১.৪ সকল কার্যাদি চূড়ান্তকরণের পর এবং পুরস্কার প্রদানের পূর্বে গণমাধ্যমে নির্বাচিত ব্যক্তি /প্রতিষ্ঠানের নাম প্রকাশ করা হবে;
- ১২.১.৫ পুরস্কার প্রাপ্ত ব্যক্তির শারীরিক অসুস্থতার কারণ বা অন্য কোন কারণে পুরস্কার বিতরণী অনুষ্ঠানে উপস্থিত থাকতে অসমর্থ হলে তাঁর মনোনীত উপযুক্ত উত্তরাধিকারী/প্রতিনিধি পদক গ্রহণ করতে পারবেন ; এবং
- ১২.১.৬ পুরস্কার প্রাপ্ত ব্যক্তি বিদেশে অবস্থান করলে বা অন্য কোন কারণে এবং উপযুক্ত উত্তরাধিকারী/প্রতিনিধির নাম মনোনয়ন না করলে পরবর্তী বছর পদক গ্রহণ করতে পারবেন।

১৩. বিশেষ ক্ষমতা প্রয়োগের অধিকার :

- ১৩.১ চূড়ান্ত প্রার্থী বাছাই কমিটি প্রয়োজনে সুবিবেচনাপ্রসূত জ্ঞান, প্রজ্ঞা প্রয়োগ করে প্রার্থী বাছাইয়ের ক্ষেত্রে উপযুক্ত যে কোন সিদ্ধান্ত গ্রহণ করতে পারবেন;
- ১৩.২ পুরস্কার প্রাপ্ত কোন ব্যক্তি বা প্রতিষ্ঠান রাষ্ট্রবিরোধী কোন কর্মকান্ডে জড়িত হয়েছে মর্মে প্রমাণিত হলে বা কোন

[পাতা-৭/৮]



জাতীয় ক্রীড়া পরিষদ

যুব ও ক্রীড়া মন্ত্রণালয়

৬২/৩ পুরানা পল্টন, ঢাকা-১০০০

Web: www.nsc.gov.bd, e-Mail: info@nsc.gov.bd



তথ্য গোপন করে এ পুরস্কার অর্জন করলে জাতীয় ক্রীড়া পরিষদ উক্ত ব্যক্তি বা প্রতিষ্ঠানকে প্রদত্ত শেখ কামাল জাতীয় ক্রীড়া পরিষদ পুরস্কার প্রত্যাহার করতে পারবে;

১৩.৩ জাতীয় ক্রীড়া পরিষদের কার্যনির্বাহী কমিটি প্রয়োজনে এ নীতিমালা সংশোধন, পরিবর্তন ও পরিমার্জন করার ক্ষমতা সংরক্ষণ করেন;

১৪. এ নীতিমালা অবিলম্বে কার্যকর হবে এবং ইতোপূর্বে জারিকৃত এতদসংক্রান্ত কোন নির্দেশনাবলি থাকলে এতদ্বারা বাতিল বলে গণ্য হবে।

মোঃ মাসুদ করিম
(অতিরিক্ত সচিব)
সচিব
জাতীয় ক্রীড়া পরিষদ, ঢাকা।

[পাতা-৮/৮]